

Karmøy kommune
Statsråd Vinjesgate 25
4250 KOPERVIK

Dykkar referanse:

Dato: **19.08.2020**
Saksnr.: **2020/52682**
Dok.nr.: **9**
Sakshandsamar:
Angunn Skeiseid

Karmøy kommune - gnr 41 bnr 2 - Dispensasjon - ny fritidsbolig og fylling i sjø til kai og legging av ledninger - uttale vedrørende kulturminne

Fylkesrådmannen viser til søknad om dispensasjon frå Pbl §1-8, forbod mot tiltak i sjø, samt frå kommuneplanen sine føremål i sjø. Søknaden gjeld mindre fylling i sjø, oppføring av fritidsbustad og kai/brygge samt legging av leidningar.

Fylkesrådmannen, ved seksjon for kulturarv, har vurdert søknaden som sektormyndigheit innanfor kulturminnevern. Sidan tiltaksområdet også omfattar område i sjø, er saka lagt fram for Stavanger maritime museum som har sektoransvar for kulturminne i sjø.

Ut frå kart- og arkivsjekk, samt befarings, kan vi ikkje sjå at det omsøkte tiltaket vil komme i konflikt med automatisk freda kulturminne på land. Vi har på bakgrunn av dette ingen merknader til tiltaka, utover at ein under opparbeidinga av området prøver å unngå inngrep i /skade på eventuelle kulturlandskapstrekk som steingardar, eldre vegar/stiar, bakkemurar, tufter m.m.

Fylkesrådmannen vil også understreke at sjølv om det pr. i dag ikkje er kjent automatisk freda kulturminne i planområdet, må eventuelle funn ved gjennomføringa av planen straks bli melde til Rogaland fylkeskommune, og alt arbeid må stansast inntil vedkommande myndigheit har vurdert/nærare dokumentert funnet, jfr. Lov om kulturminner § 8, 2. ledd.

Uttale frå Stavanger maritime museum

Stavanger maritime museum kjenner ikkje til skipsfunn eller automatisk freda kulturminne som vert berørt av det omsøkte tiltaket. Museet har vurdert området til ikkje å ha potensiale for funn av hittil ukjente freda kulturminne eller skipsfunn.

Stanse og meldeplikt

Om det likevel under gjennomføringa av tiltaket vert oppdaga kulturhistorisk materiale som kan vere verna eller freda (for eksempel vrakdelar, keramikk, bearbeida flint, glass, kritt Piper eller anna), må arbeida straks stansast og kulturminnemyndigheitene må bli varsla, jf. kml § 8 og §14. Tiltakshavar pliktar å underrette den som skal utføre tiltaka om dette, men står også sjølv ansvarleg for at det blir overholdt.

Helsing
Leif Håvard Lundø Vikshåland
leder (adm)

Angunn Skeiseid
rådgjevar

Kopi til:
Fylkesmannen i Rogaland

Dette dokumentet er elektronisk godkjent. Oppgje vårt saksnr når du svarar på brevet.